

საფოსტო და საკურიერო მომსახურების შესყიდვა



სატენდერო დოკუმენტაცია

CPV- 64100000.

წინამდებარე დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის № 9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

2016 წელი
თბილისი

სარჩევი

1. ინსტრუქცია გამარტივებულ ელექტრონულ ტენდერში მონაწილეთათვის -----	3
2. ტექნიკური დოკუმენტაცია-----	4
3. სახელმწიფო შესყიდვების შესახებ ხელშეკრულების პროექტი-----	6
4. პრეტენდენტის რეკვიზიტები დანართი №1-----	11
5. ფასების ცხრილი დანართი №2 -----	12

1. ინსტრუქცია ტენდერში მონაწილეთათვის

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა).
- 1.2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ. (საჭიროების შემთხვევაში ატვირთული უნდა იქნას მინდობილობა ან წმუნებულება).
- 1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7. პრეტენდენტს არა აქვს უფლება წარმოადგინოს ალტერნატიული წინადადება.
- 1.8. შესყიდვის პროცედურების შესახებ ინფორმაციისა და განმარტებების მიღება პრეტენდენტს შეუძლია სატენდერო კომისიის აპარატში, მისამართი: თბილისი, სანდრო ეულის 3, III სართული. საკონტაქტო პირი: გურამ ფაღავა ტელ: 2 94 16 80; მობ: 599 99 08 04 ელ.ფოსტა: gphaghava@matsne.gov.ge .
- 1.9. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა-პასუხი“-ს მეშვეობით.
- 1.10. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის დილაკზე დაჭერით.

2. ტექნიკური დოკუმენტაცია

2.1. შესყიდვის ობიექტის ტექნიკური დავალება:

შესყიდვის ობიექტია საქართველოს მაშტაბით საფოსტო და საკურიერო მომსახურება:

- გზავნილების სავარაუდო წონა: 0 კგ-დან 5 კგ-მდე
- გზავნილების საორიენტაციო რაოდენობა - **3960 (სამიათას ცხრაას სამოცი)** (საორიენტაციო რაოდენობა არის მაქსიმალური რაოდენობა)

პრეტენდენტმა უნდა უზრუნველყოს ადგილობრივი საფოსტო-საკურიერო მომსახურების გაწევა. მათ შორის:

1. კურიერის უფასო გამოძახება და კურიერის მიერ გზავნილის ჩაბარება სამუშაო დღეებში 19:00 საათამდე.
2. უზრუნველყოფილი უნდა იყოს გზავნილის დროული, უსაფრთხო და დაზიანების გარეშე მიწოდება, ჩაბარების დასტურით.
3. გზავნილების შეფუთვა ჩვეულებრივი თეთრი კონვერტებით.

- 2.1.1 შესყიდვის ობიექტის საერთო საორიენტაციო ღირებულებაა - 9900.00 (ცხრა ათას ცხრაასი) ლარი (კანონმდებლობით გათვალისწინებული გადასახადების ჩათვლით). საორიენტაციო ღირებულება არის მაქსიმუმი, შესაბამისად დაუშვებელია ტენდერში მონაწილე პრეტენდენტების მიერ მასზე მაღალი მაჩვენებლის დაფიქსირება.
- 2.1.2 პრეტენდენტს უნდა გააჩნდეს 2014-2016 წლებში (იგულისხმება პერიოდი, კონკრეტულ წელს მნიშვნელობა არ ენიჭება) ანალოგიური (საფოსტო და საკურიერო მომსახურება) მომსახურების გაწევის გამოცდილება. პრეტენდენტმა სისტემის მეშვეობით უნდა წარმოადგინოს შესაბამისი დამადასტურებელი დოკუმენტ(ებ)ი. (ხელშეკრულებები, მიღება-ჩაბარების აქტები ან/და სხვა ნებისმიერი სახის დოკუმენტი, რომლითაც დასტურდება აღნიშნული გამოცდილება)

2.2 ანგარიშსწორების პირობები

- 2.2.1 სატენდერო წინადადების საერთო და ერთეულის ფასი უნდა მოიცავდეს როგორც შესყიდვის ობიექტის ღირებულებას, ასევე მომსახურების გაწევასთან დაკავშირებულ ხარჯებს და საქართველოს კანონმდებლობით გათვალისწინებულ გადასახადებს.
- 2.2.2 ელექტრონული ვაჭრობა განხორციელდება სატენდერო დოკუმენტაციაში ფიქსირებულ საორიენტაციო ღირებულებაზე ფასის კლების პრინციპით.
- 2.2.3 ანგარიშსწორება მოხდება უნაღდო ანგარიშსწორებით ეროვნულ ვალუტაში - ლარი.
- 2.2.4 ანგარიშსწორება განხორციელდება ყოველთვიურად, ფაქტიურად გაწეული მომსახურების შესაბამისად, შესაბამისი ინსპექტირების აქტის, მიღება-ჩაბარების აქტის და საგადასახადო დოკუმენტაციის, წარმოდგენიდან 10 სამუშაო დღის ვადაში.

2.2.5 დაფინანსების წყარო: 2017 წელი საკუთარი სახსრები.

2.2.6 წინასწარი ანგარიშსწორება არ გამოიყენება.

2.3 ფასწარმოქმნის ადეკვატურობა

2.3.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი მოითხოვს ფასწარმოქმნის ადეკვატურობის დასაბუთებას (რომლისთვისაც განუსაზღვრავს არაუმეტეს 3 (სამი) სამუშაო დღეს), რაც შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშგაქტურით (ინვოისით), ან ექსპერტიზის ან აუდიტორული ან/და საშემფასებლო დასკვნით, ღომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.4 მომსახურების ვადები და პირობები

2.4.1 სატენდერო დოკუმენტაციით გათვალისწინებული მომსახურება უნდა განხორციელდეს 2017 წლის 1 იანვრიდან 2017 წლის 31 დეკემბრის ჩათვლით.

2.4.2 გზავნილების ადრესატისთვის გადაცემა:

- თბილისის ფარგლებში - მიმწოდებლისთვის გადაცემული გზავნილი - მომდევნო სამუშაო დღეს;
- თბილისის ფარგლებს გარეთ - მიმწოდებლისთვის გადაცემული გზავნილი 2-3 სამუშაო დღის ვადაში.
- სოფლებში გზავნილთა ჩაბარების ვადები მიმწოდებლისთვის გადაცემიდან 7-10 კალენდარული დღის ვადაში.

2.5 პრეტენდენტის მიერ სისტემაში ასატვირთი დოკუმენტების ჩამონათვალი

2.5.1 პრეტენდენტის რეკვიზიტები დანართი №1 შესაბამისად.

2.5.2 ფასების ცხრილი დანართი №2 შესაბამისად.

2.5.3 გამოცდილების დამადასტურებელი დოკუმენტები.

- სატენდერო წინადადების წარმომდგენი პრეტენდენტი ავტომატურად ეთანხმება ტექნიკური დოკუმენტაციით განსაზღვრულ პირობებს.

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება №

ქ. თბილისი

„-----“ „-----“ 2016 წ.

სსიპ „საქართველოს საკანონმდებლო მაცნე“, შემდგომში წოდებული „შემსყიდველად“, წარმოდგენილი მისი თავმჯდომარის მ/შ ნიკა ახალბედაშვილის სახით და -----, შემდგომში წოდებული „მიმწოდებლად“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, იმის გათვალისწინებით, რომ „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის № 9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ თანახმად შემსყიდველმა ჩაატარა გამარტივებული ელექტრონული ტენდერი (SPA-----) ს.ს.ი.პ. „საქართველოს საკანონმდებლო მაცნე“-ს საჭიროებისათვის საქართველოს მასშტაბით საფოსტო და საკურიერო მომსახურების შესყიდვაზე (CPV- 64100000). რომელშიც გამარჯვებულად მიჩნეულ იქნა მიმწოდებლის სატენდერო წინადადება, ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1. ხელშეკრულება სახელმწიფო შესყიდვის შესახებ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - პირი, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6. „ინსპექტირება“ - ხელშეკრულების პირობების შესრულების კონტროლი და ზედამხედველობა.

1.7. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

საქართველოს მაშტაბით საფოსტო და საკურიერო მომსახურება. გზავნილის წონა: 0 კგ-დან 5 კგ-მდე.
გზავნილების საორიენტაციო რაოდენობა - 3960 გზავნილი. (CPV- 64100000).

3. ხელშეკრულების ღირებულება

3.1. ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №2) შესაბამისად და შეადგენს ----- ლარს.

4. მხარეთა ვალდებულებები

4.1. მიმწოდებელი ვალდებულია:

- ა) უზრუნველყოს მომსახურების გაწევა 2017 წლის 1 იანვრიდან 2017 წლის 31 დეკემბრის ჩათვლით.
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

5.1. შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2. ინსპექტირებას განახორციელებენ -----, რომლებიც უფლებამოსილები არიან ინსპექტირება განახორციელონ როგორც ინდივიდუალურად, ასევე ერთობლივად.

5.3. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

5.4. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეული მომსახურებაში, მიმწოდებელი ვალდებულია დაუყონებლივ გამოასწოროს წუნი შეთანხმებულ გონივრულ ვადაში.

6. მომსახურების მიღება-ჩაბარების წესი

მომსახურების მიღება წარმოებს ყოველთვიურად მიღება-ჩაბარების აქტის გაფორმებით, ფაქტიურად გაწეული მომსახურების შესაბამისად. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7. ანგარიშსწორება

7.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2016 წლის საკუთარი სახსრები.

7.2. ანგარიშსწორება განხორციელდება ყოველთვიურად, ფაქტიურად გაწეული მომსახურების შესაბამისად, შესაბამისი საგადასახადო დოკუმენტაციის, ინსპექტირების აქტის და მიღება-ჩაბარების აქტის წარმოდგენიდან 10 სამუშაო დღის ვადაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1. წინამდებარე ხელშეკრულების ----- განსაზღვრული მომსახურების ვადის გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0.02%-ის ოდენობით.

9.2. წინამდებარე ხელშეკრულების 5.4 პუნქტით გათვალისწინებული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

9.3. წინამდებარე ხელშეკრულების 7.2. პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

9.4. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლის ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

11.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შეწყვეტა

12.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

14.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს ----- წლის ----- დეკემბრის ჩათვლით.

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ

შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი შემსყიდველს.

16. მხარეთა რეკვიზიტები:

შემსყიდველი:

სსიპ „საქართველოს საკანონმდებლო მაცნე“,
წარმოდგენილი თავმჯდომარის მ/შ
ნიკა ახალბედაშვილის სახით,
მისამართი: ქ. თბილისი, სანდრო ეულის 3,
ტელეფონი: 2 94 16 80,
საბანკო რეკვიზიტები:
სახელმწიფო ხაზინა
ანგ. №707407076,
ბანკის კოდი TRESGE22,
სკ - 203862622

მიმწოდებელი:

-----,
წარმოდგენილი დირექტორის
----- სახით,
მისამართი: -----,
ტელეფონი: -----,
საბანკო რეკვიზიტები:

ანგ. №-----,
ბანკის კოდი: -----,
სკ - -----

პრეტენდენტის რეკვიზიტები:

იურიდიული ფორმა და დასახელება;

ხელმძღვანელის სახელი და გვარი;

საიდენტიფიკაციო კოდი;

იურიდიული ან/და ფაქტიური მისამართი;

ტელეფონის ნომერი;

ელექტრონული მისამართი;

მომსახურე ბანკის:

დასახელება

კოდი

ანგარიშსწორების ანგარიში

პრეტენდენტის დასახელება

ხელმოწერა

ბ.ა

პრეტენდენტის დასახელება _____

№	გზავნილის დასახელება და სავარაუდო წონა	გზავნილის რაოდენობა (საორიენტაციო)	ერთეულის ღირებულება (ლარი)	საერთო ღირებულება (ლარი)
1	გზავნილები საქართველოს მათაბით 0 კგ-დან 5 კგ-მდე	3960		

ინფორმაცია მომსახურების გაწევის ვადისა და პირობების შესახებ -----

პრეტენდენტის ხელმოწერა/ბეჭედი -----

შენიშვნა: სატენდერო წინადადების ფასი უნდა მოიცავდეს როგორც შესყიდვის ობიექტის ღირებულებას, ასევე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს (მათ შორის მიწოდების ხარჯი) და საქართველოს კანონმდებლობით გათვალისწინებულ გადასახადებს.